

Pone atencion na cambio di entrada

Remodelacion di edificio di Yrausquin a cuminsa



ORANJESTAD (AAN): Den un esfuerso pa remodela imágen cooperativo, sigui brinda e mesun servicio y mehora e concepto den su totalidad, e di tres generacion di famia Yrausquin a start e proyecto pa remodela e edificio cu un cambio visibel, accentuando un imágen fresco, innovativo y moderno.

Desde dialuna 12 di januari a inicia cu e prome fase di e proyecto pa remodela

e edificio di Yrausquin. Sr. Sander Leijenaar, director di Bohama Aruba y sr. Ruben Yrausquin, director di Yrausquin a firma e contract cu ta encera e construccion. E intencion ta pa completa e construccion di e edificio den dos fase.


E prome fase cu ya caba a inicia lo consisti di e parti mas pabao di e edificio. Esey ta unda cu e Departamento di piesa, entrada y Departamento

mento di Service tabata. Tur cambianan lo worde haci pa asina traha un entrada nobo pa departamento di Service su Quick Lane y crea un showroom mas amplio, moderno y luhoso den cual lo staciona e ultimo modelonan di e autonan di marca Mercedes-Benz cu su mesun entrada pa showroom.

Durante e prome fase di remodelacion lo amplia tambe e Body Shop cu un sistema completamente nobo y moderno cu un proceso avansa, eficiente y lihe. Mas despues ora e Body Shop ta finalisa, lo duna un splicacion di e tecnologia y proceso nobo, cu e lo tin pa haci trabanonan special. E prome fase lo keda cla pa fin di e luna di Mei 2015, si tur cos keda riba e schedule stipula.

E di dos fase ta consisti na e finalisacion y ultimo tokenan cu mester worde poni pa completa e showroom moderno di marcanan Ford, Lincoln y Mitsubishi. Tur esaki ta planea pa keda cla pa final di October. E modelonan di auto marca Ford, Lincoln y Mitsubishi lo tin nan mesun seccion den e showroom.

Mas cu djis un cambio di imágen, e intencion ta pa sigui traha duro pa mantene e mesun cultura di servicio y dedicacion di e compania y mantene e norma y balornan.



Yrausquin ta pidi disculpa pa e inconveniencia cu e cambianan ta trece cune pa clientenan, en particular pa e cliente cu ta haci uzo di e servicionan di trece nan auto pa servicio of body shop. No obstante e cambianan, esaki lo no ta di impacto pa e servicio ya cu e trabao lo sigui normal.

E entrada ora di hiba auto bay "service" ta temporalmente patras di e edificio den Fokkerstraat. Pa yega na e entrada y si e cliente ta tuma e ruta normal LG Smith Blvd, e cliente ta pasa dilanti di e edificio y ta bira na banda

drechi den e caminda prome cu D Shop, na momento di yega na e prome crusada na Tec Inc. ta bira atrobe na man drechi y drenta Fokkerstraat.

Si e cliente ta bin for di direccion di Gutenbergstraat drenta e caya entre Frasa y La Bodega pa subi Fokkerstraat.

Tambe tin borchu cu indicacion na e camindanan mencionan, sigui esaki cu cautela. Ora e trabanonan di remodelacion y ampliacion keda cla, clientenan lo tin mas opcion di servicio, den un ambiente hopi mas comodo, eficiente y profesional.